

# საქართველო

იუმორისტ.  
ჟურნალი

# სატირა

№ 31



ეშმაკი. ბატონო, ეს შენს ოჯახში რო შემოსულან და ამტკრევენ აქაურობას, რატო არათერს იტყვი?  
 ბერძენი. ახლა, მეგობარო, ნიუთებს ამტკრევენ და მაშინ იქნება თავიც გადაუყოლო.

# ფურცელი 978

## ჩემი დღიურიდან.

7 დეკემბერი, 1915 წ.

მაშინ პატარა ვიყავი, დიდი-დი 25—26 წლი-სა. სოფლის მასწავლებლად ვმსახურებდი, ვინაი-დან ეს ყველაზე უფრო ადვილი და ხელ-მისაწვ-დომი სამსახურია, ბედისგან მოძულებულთათვის. ვმსახურობდი პირნათლად, რამდენადაც კი ეს მო-სახერხებელი იყო იმ შორეულ წარსულში.

არ ვიცი, ძილში სიზმრების დროს, ვსდუმდი თუ ვბოდავდი რასმე, თორემ დანარჩენ დროს: ე. ი. დილის 7 საათიდან, ვიდრე ღამის 12 სა-თამდე ჩემმა ენამ შესვენება არ იცოდა.

— ვლაპარაკობდი სასწავლო ოთახში მოს-წავლებლებთან.

— ვლაპარაკობდი შესვენების დროს მასწავ-ლებლებთან.

— ვლაპარაკობდი სადილის დროს მედუქნე იოსებასთან.

— ვლაპარაკობდი ნასადილევს ვისთანაც კი მოვახერხებდი.

— ვლაპარაკობდი საღამოს სამკითხველოში, (თუმცა იქ ლაპარაკი აკრძალული იყო).

— ვლაპარაკობდი დაწოლაში სკოლის მსა-ხურთან

— და როცა მომუსაიდვე არავინ მყავდა, ველა-პარაკობდი ჩემს საკუთარ თავს.

მაგრამ ჩემი დღესასწაული ეს ეგრედ წოდე-ბული „პედაგოგიური საბჭოს კრება“ იყო. კრება კვირეში ერთხელ იმართებოდა, ხუთშაბათს. (მე რამდენიმე ჯერ აღვსძარი საკითხი, რომ კვირეში სამჯერ მაინც ყოფილიყო.) იწყებოდა საღამოს 5 საათზე და თავდებოდა, ან სრულ 12 საათზე, ან ნაშვალამევის პირველ საათზე. პედაგოგიური კრე-ბიდან ისე დაქანცულ-კმაყოფილი ვბრუნდებოდი, რომ მეორე დღეს პირველ გაკვეთილს ყოველთვის ვაკლდებოდი და ამ გაკვეთილზე ჩემდა საბედნიე-როთ მოწაფეები იმდენ რაღაცა უწესოებას ჩაი-დენდენ, რაიც სრულიად საქმარისი იყო ხოლმე პედაგოგიური საბჭოს შემდეგი კრებისთვის განსა-ხალველ საგნათ.

ამ 7—8 საათის განმავლობაში მე ვლაპარა-

კობდი არა ნაკლებ 6—7 საათისა, ხოლო დანარ-ჩენი დრო მეტ-ნაკლებობით ნაწილდებოდა — ხუ-სხვა მასწავლებელთა შორის.

აღბათ ჩემი ასეთი შრომის მოყვარეობითა დ-საქმის გულშემატკვარეობით აიხსნება, რომ აღნი-ნულ სასწავლებელში და ვგონებ თვით სოფელშიც, **ორატორის** სახელი მქონდა გავარდნილი. მეც რასაკვირველია, სამართლიანად ვიფერებდი ამ დან-სახურებულ სახელწოდებას და თავიც მომქონდ-მით, მაგრამ, აი ერთ კრებაზე, ჩემს თავმოყვარეო-ბას, ჩემს მოღვაწეობას, ჩემს იმედს სრულიად მო-ულოდნელათ წესი აუღეს.

მერმე არ იკითხავთ ვინ?

ყოვლად უბრალო მასწავლებელმა ქალმა რომელიც ახალ დანიშნული (ეს სიტყვა სამსახურ-ში დანიშვნას შეეხება) პირველად დაესწრო ჩვენს კრებას. მე უკვე სამჯერ ვილაპარაკე არა ნაკლებ თითო საათისა. ჯერ კიდევ გაალმასებული ვიყავი დაღლილობას ოდნავაც არა ვგრძნობდი. დღეს მთელი ჩემი ყურადღება იქითკენ იყო მიქცეული, რომ კრების ახალ წევრზე ჩემი ორატორული ნი-ჭით ერთგვარი, ჩემი ნიჭის შესაფერი შთაბეჭდილე-ბა მომეხდინა.

თავმჯდომარემ წამოაყენა მწვავე საკითხი: პარ-ველი განყოფილების მოწაფის (დათიკო წრიპაძის) შესახებ, რომელსაც გზაში თავადი ვარლამის ძალ-ლისთვის ქვა ესროლა და აეკოჭლებია. მე პირველ-მა ვითხოვე სიტყვის ნება. ვარკვერდი საკითხს თავ-დასხმისა და მოგერიების შესახებ, რაიც დღესაც არ არის ინტერესს მოკლებული და ვილაპარაკე საათ ნახევარი. შემდეგ სხვებმაც გამოსთქვეს თავ-თავის-აზრი, მღუმარებდა მხოლოდ ახალი წევრი ჩვენი საბჭოსისა ქნი ელენე.

მე ძლიერ მიკვირდა ეს გარემოება, მეტადრე ქალისგან და კრების შემდეგ ვკითხე:

— თქვენ აღბათ საუკეთესო მუნჯური მეთო-დით შესძლებთ მეცადინეობას და უეჭველია მალე დაწინაურდებით ჩვენს სასწავლებელში. ვინაიდან ლაპარაკი არა გცოდნიათ

— რატომ გგონიათ ასე?

— აი დღეს, ისეთი საყურადღებო კითხვები იჩჩეოდა და ერთი სიტყვა არ გითქვამთ...

— სამაგიეროთ თქვენ ილაპარაკეთ ძლიერ ბევრი, თითქმის ყველას წილი.

— დიხაც ვილაპარაკე. შემძლია ლაპარაკი და რისთვის არ უნდა ვილაპარაკო?

— მე უფრო სხვა შეხედულებისა ვარ ამ სავანზე. ჩემის აზრით—**უმჯობესია კარგი მსმენელი იყოს, ვიდრე კარგი მოლაპარაკე.**

— რაო, რა ბრძანეთ?

— ისა, რომ უმჯობესია კარგი მოსმენა შეგეძლოს, ვიდრე კარგი ლაპარაკი. ეს ჩემი აზრი არ არის, მაგრამ მე მისი მომხრე ვარ.

იმ ღამეს არ მიძინია. სულ ამაზე ვფიქრობდი და მეორე დღეს ორი გაკვეთილი გამოვტოვე. მახსოვს, სიზმარში ერთ დიდ კრებასაც დავესწარ, მაგრამ წარმოიდგინეთ ხმა არ ამომიღია. ვიყავი ჩემთვის გაჩუმებული და ვხედავდი ყველა ჩემს ნაცნობს როგორ უკვირდა ჩემი მდუმარება.

— როგორ, შეხედეთ, შეხედეთ, ბ-ნი ნიკიფორე ხმას არ იღებსო! გაისმოდა თითქმის ყოველი მხრიდან.

მას შემდეგ ძლიერ, ძლიერ დიდი დრო გავიდა: აბესინიის ნეგუსმა, მენელიკმა, იტალიელები დაამარცხა, ამერიკეთმა ისპანიას კუნძული კუბა წაართვა; ფილიპეს კუნძულებზე აჯანყება დასცხრა, იაპონიამ რუსეთს პორტ-არტური წაართვა, გაზირიომ სადი-კარნო მოჰკლა, რუსეთში პარლამენტი დაარსდა, სილოვან გაბუნია გიმნაზია და უნივერსიტეტი გაათავა, ინგლისეთმა ტრანსვალეთი დაიმორჩილა, დრეიფუსის საქმე დაიწყო და გათავდა, ოსმალეთ-სპარსეთის წესწყობილება შეიცვალა, ჩინეთში რესპუბლიკა დამყარდა და გადაამყარდა, კახეთში რკინის გზა გავიდა, საერთაშორისო ომმა სრულიად შესცვალა ადამიანთა დამოკიდებულობა და მსოფლ-მხედველობა, წარმოიდგინეთ თვით წერა-კითხვის საზოგადოებამ საწევრო ფული მ მანეთი მანეთად შესცვალა, არ შეცვლილა მხოლოდ ჩემი გადაწყვეტილება შესახებ ორატორობისა უკანასკნელ პედაგოგიურ კრებაზე მიღებული.

— უმჯობესია კარგი მსმენელი იყოს, ვიდრე კარგი მოლაპარაკე!

გუშინ, კვირას, (6 დეკემბერს) ქ. შ. წ. კ. გ. ს. კრებას დავესწარ. ვიჯექი ჩემთვის და ვუცქეროდი. მიკვირს მე ქართველი ხალხის საქმე! ნეტავ რისთვის გაურბის იგი ამ საზოგადო კრებებს? ნუ თუ შეიძლება კაცმა სადმე ისე მხიარუ-

ლად დრო გაატარო, როგორც აქ, ამ წლიურ კრებებზე?

ზინარ შენთვის და შეპყურებ. გამოდის ერთი ორატორი. ლაპარაკობს, ლაპარაკობს, ლაპარაკობს. გამოდის მეორე, მესამე, მეათე, მეოცე! ლაპარაკობენ და ლაპარაკობენ. რა ხელოვნებით, რა პაფოსით, რა ენით, რა მღელვარებით, რა ნაირათ გინდა იქ არ ლაპარაკობდნ. იქ უჭირთ მხოლოდ ერთგვარი ლაპარაკი... სახელდობრ:

— ლაპარაკი საკამათო საგნის შესახებ—

მე ვზივარ ხოლმე კუთხეში და ვუცქერი! გულში კი ვფიქრობ:

— შეუნდე მეუფეო მათ, რამეთუ არა იციან, რომ უმჯობესია კარგი გავონება შეგეძლოს, ვიდრე კარგი ლაპარაკი.

ემმაკი.



# ქ უ რ ქ ი.

(მსახიობ ვასო აბაშიძის ნამუშობი)

„ეჭ-ეჭ-ჰეეჰ! ცუდი დრო დაგვიდგა, ჩემო ბატონო, ძალიან ცუდი! ამ ომმა მაინც სულ ააფორიაქა ჩვენი ცხოვრება... ღმერთმა ერთი ვით აცხონოს თუ მეორე არ წაწყმინდოსო—სწორეთ ჩვენს დროებაზეა ზედგამოჭრილი! აბა ერთი თვალი მოავლეთ ჩვენს დღევანდელ ცხოვრებას! გუშინდელი ქვეყნის გლოხები და მათხოვრები დღეს საკუთარ ეტლებით დასეირნობენ და, პირიქით, ვინც უწინ ფუფუნებასა და განცხრომაში იყვნენ, ბევრ მათგანს ეხლა ლუკმა პურიც აღარ მოეძევა! აი, თუნდ ჩემი მაგალითი აიღეთ. არ დამიჯერებთ და—თქვენი დამკვლელი ვიყო, თუ ამ წუთში ჯიბეში უხალთუნის მეტი მედოს! მერე—ისიც არ ვიცი, ყალბია თუ ნამდვილი! მე ვასო აბაშიძე და, ჯიბეში ერთი უხალთუნი! მოხით, ნუ გაიცინებთ.

მერე—მიზეზი? მიზეზი, ჩემო ბატონო, აკი მოგახსენეთ, ეს გაუთავებელი ომი გახლავთ. გეფიცებით გამჩენსა, რომ, რაც დარღვეული დაიკეტა, მას შემდეგ არც ჩემ ქისას გახსნია პირი: ჩასადები არა მქონია—რა და ამოღებითაც რა ჯანდა უნდა ამომელო, თუ შიგ არაფერი ჩამიდგია... დეთის წინაშე, დარღვეულის დაკეტვადისად ვერ იყო რიგზე აწყობილი ჩემი ბიუჯეტის საქმე, მაგრამ მე ამ გარემოებასაც ომს ვაწერ, ჩემო ბატონო, ამ საერთაშორისო ომს კი არა, აი ბალკანეთის ომი რომ იყო ამ 7—8 წლის წინათ. ხოლო რაიცა შეეხება ჯიბის იმ კრიზისს, რომელსაც ბალკანეთის ომამდე განვიცდიდი—ჩემის აზრით რუსეთ-იაპონიის ომის გავლენით უნდა ყოფილიყოს გამოწვეული. გარნა კიდევ უნინდელი უნუგეშო მდგომარეობა ჩემი ფინანსებისა—ალბათ—რუსეთისა და ჩინეთის შეტაკებამ შექმნა. ამის დაგვარათ, ჩემის ბიუჯეტის რყევის პირვანდელ მიზეზის ძიებას თუ შეუდგეით, 1877—78 წლების რუს-ოსმალთა ომს მივადგებით. თუმცა, ცოდვა გატეხილი სჯობია, არც მანამდე მქონია ბაჯალლოები, მაგრამ განა მანამდე კი არ იყო ომები?

ომი—აი ერთად ერთი მიზეზი ჩემი ეკონომიური დაქვეითებისა. სხვაგვარი ახსნა ესოდენ ხანგრძლივისა და გაუთავებელი ფინანსიური კრიზისისა ყოვლად შეუძლებელია ჩემო ბატონო!

ღმერთმა უშველოს ქართველ საზოგადოებას! ის იყო მუდამ ჩემი სასო და ნუგეში... მეტათ კეთილი და გულ-ჩვილი ვინმეა! რა წამს შეამჩნევდა ჩემს გაჭირვებას, ფიცხლავ დატრიალდებოდა ხოლომე.

— ვასო-ჯან, შენ რა გიჭირს, ნიჭი გაქვსო,— მეტყოდა.

აბა ქარსველმა საზოგადოებამ რა იცოდა, რომ ეს ჩემი ნიჭი არც იქნებოდა, არც ჩაიციოდა და დაიხურებოდა. გულუბრყვილო ვინმეა და ეგონა რომ—როგორც თითონ საზრდოობდა ჩემ ნიჭსა, ისე მეც შემიძლო მისი შამფურზე წამოგება და შეწვა, ან კიდევ ჩახობბვა და სუფრასზე გამოტანა ან კიდევ თერძისთვის მიტანა და თქმა:

— აი, გეთაყვა: მომიტანია შენთვის 7 არშინი საუკეთესო ნიჭისა და ერთი ლაზათიანი ტანი-სამოსი შემიკვრე-თქო.

ან, ვინ იცის, შეიძლება ეგონა, რომ ის ნაირ-ნაირი ტანისამოსები, სცენაზე რომ ვიცვამდი

ხოლომე სხვა და სხვა როლში—სულ ჩემი საკუთრება იყო!..

თუმცა ეგრე მშველოდა ჩვენი საზოგადოება (ღმერთმა სამაგიერო გადაუხადოს!), მაგრამ გასულ ზაფხულის მიწურულში მაინც დიდ საგონებელში ჩავვარდი. საქმე აი რა გახლავთ: ჩვენ ომის მიმოხილველთა და პოლიტიკასებივით წინასწარმეტყველი არა ვარ, ჩემო ბატონო, მაგრამ გამოცდილებით ვიცოდი, რომ ზაფხულს უთუოდ შემოდგომა მოჰყვებოდა, ხოლო შემოდგომას ზამთარი. ისიც კარგათ ვიცოდი, რომ შემოდგომაზე ჰაერი საგრძნობელათ აგრილდებოდა, ხოლო ზამთარში სიცხეს დაიქვრდა. სამწუხაროთ ისიც კი ვიცოდი, რომ კარზე მომდგარ სიცხესთან საბრძოლველათ თბილი პალტო არა მქონდა და მიმდინარე ომის ჩემ ჯიბეზე გავლენის გამო ყიდვაც არ შემიძლო.

დიდი განსაცდელი დამიდგა. ხანგრძლივი ფიქრის შემდეგ, გადაწყვიტე ჯარში მოხალისეთ ჩაწერა. თან მამულს გამოვადგები და თანაც უპალტოობას ავიცდენ მეთქი, ვიფიქრე და შესაფერი თხოვნაც დაუყონებლივ შევიტანე სათანადო უწყებაში. მაგრამ იმედი გამიცრუვდა და უარი მითხრეს: მცირე წლოვანი ხარო. საქმე გამირთულდა ხსნა არსაით იყო და სასოწარკვეთილებამ შემიპყრო. მაგრამ, ვნახოთ, ბედმა გამილიმა და ერთს, მარად მოსაგონარ დღეს შევიტყე, რომ ჩვენი წ. კ. გ. საზოგადოების გამგეობა აცხადებდა, ხახანა-შვილისეულ ქურქს ვყიდითო; იმედის ფრთა შემესხა. რაღა თქმა უნდა, მაშინათვე აღვძარი შუამდგომლობა და ვითხოვდი, რომ ხსენებული ქურქი დაეთმოთ ჩემთვის რაც შეიძლება ხელმისაწვდომ ფასათ და არა უგვიანეს ენკენისთვის შუარიცხვებისა (თხოვნა მარიამობისთვის შევიტანე). ჩემი სურვილი ქურქის შეძენისა ყველაზე უწინ გამგეობის მდივანმა, ბ. ვარლამ ბურჯანაძემ გაიგო, აი იმ ვ. ბურჯანაძემ, წ. კ. საზოგადოების წლიურ კრებებზე რომ ოქმებს ოტელოს მონაოლოგებსავით კითხულობს და ისედაც ჩამორჩენილ ქართულ სცენას კონკურენციას უწევს. წ. კ. საზოგადოების ოტელომ გამგეობის კრებაზე თურმე განაცხადა:

— სიღარბაისლით, ძლიერებით სახელ განთქმულნო,

კეთილ შობილნო და სულდიდნო უფაღნო ჩემნო: მართალი არის ქურქი ესე, გასაყილია, ისიც სწორეა, რომ მას დღემდე არვინ ყიდულობს,

მაგრამ როგორ იქმს გამგეობა, როგორ იკადრებს, რომ ჩვენი სცენის ოქროს ვარაყს, ლაზათს, ზვე-  
ნებას,

ჩვენ სასყიდელი, თუნდაც მცირე, გავაღებინოთ, დეე მიეზლოს კეისარსა კეისარისა, და ჩვენს ვასოსა ძღვნათ მიერთვას ქურქი ნამკვდ-  
რევი

სენატორები დაეთანხმენ ოტელოს წინადადე-  
ბას და განაცხადეს:

—პრინციპიალად არა გვაქვს-რა წინააღმდეგი, ხოლო კონკრეტად გადაწყვეტა ამაკითხვისა, ესოდენ რთულის, თავ-სატეხის, მნიშვნელოვანის, პირველ კრებასვე, ერთის დაკვირვით, არ შეუძლია და ამის გამო, ვგონებთ, რომა სჯობს საქმისთვისა შემდეგ კრებისთვის გადაიდოს...

გადასდეს შემდეგი კრებისთვის. შემდეგმა კრე-  
ბამაც ვერ გადასწყვიტა მართლაც რომ ეგრე დახ-  
ლართული საკითხი და მხოლოდ ორად ორმა ორა-  
ტორმა ძლივს მოასწრო ქურქის შესახებ სიტყვის წარმოთქმა. რალა ბევრი გავაგრძელო, თუ არა ვცდები, მგონი, ყ კრება მოანდომეს. ეხლა რომ წ. კ. ს. კრებებს ვუკვირდები და გამგეობის ზო-  
გიერთ წევრთა ლაპარაკს ვისმენ, სწორე მოგახსენ-  
ოთ, ძალიან მიკვირს და მიხარია, რომ ეგრე ჩქა-  
რა გამოარკვიეს და გადასჭრეს ქურქის საქმე.

ამისდაგვარათ ზაფხულში ნათხოვარი ქურქი შუა ზამთარში მომივიდა.—ჯანი გავარდეს!—  
ვფიქრობდი მე:—მართალია, ცალი ფეხი და ცა-  
ლი ყური კი დამიზრო კიდეც ყინვამ, იმათ არა ეშველებათ-რა, მაგრამ მეორე ცალებს ხომ მაინც შევინარჩუნებ მეტი და სიხარულით შევიმოსე ჩე-  
მი ქურქით. ერთ საათს მოვეუნდი, დაახლოებით სარკეში შინჯვას (დიდი სარკე არა მაქვს და ვიდ-  
რე ჩემ ბატარა ჯიბის სარკით ყველა ნაწილებს დავათვალიერებდი რატომ საათზე მეტი არ გაიფ-  
ლიდა!) და დავრწმუნდი, რომ მშვენივრათ მადგა-  
თითქო ჩემ ტანზე ყოფილიყოს შეკერილი!—ეხლა გავიხადოთ და კოხტათ ჩამოვკიდოთ,—ეთქვი გუ-  
ნებაში და ფოლაქები გავიხსენი. მაგრამ აი გავი-  
ხადე ქურქი და მე რომ დევინახე, თქვენმა მტერ-  
მა და ორგულმა დაინახოს! მეწისქვილე რა არის, ნიადაგ ფქვილში რომ ისვრება, ისე ვიყავი შეფქ-  
ვილული მთელ ტანზე, თითქოს ნ ფუთი კირი შეფურქვიოსო ჩემთვის. ელდა მეცა. ცალკე ქურ-  
ქის ზარალი და ცალკე კიდევ ჩემი ერთად ერთი რიგიანი კოსტიუმის ამ გვარათ ვაფუქება.

თურმე, ვიდრე „სენატორები“ ჩემ ქურქის საკითხს სწყვეტდენ და კრებაზე მხუთვადღე სიტყ-  
ვებს წარმოთქვამდენ, ჩრჩილი საქმეს აკეთებდა.

დღეს აგერ მეხუთე დღეა მას აქეთ და ჩემი ტანსაცმელი ჯერაც ვერ მომირჯულვებია, თუმცა დილიდან საღამომდე მის წმენდას ვუნდები. რაც შეეხება ქურქს—თერძთანაა: 25 მანათი მთხოვა გასაკეთებლათ. ეხლა ქურქი მზათ იქნება, მაგრამ ვაი, რომ 25 მანათი არ არის მზათ!


მინდა, წ. კ. ს. მომავალ კვირის კრებას ვთხო-  
ვო, ისევ მან გამოიყიდოს ის ქურქი, თორემ მე... ხომ იცით, რა მდგომარეობაში ჩამაყენა საერთა-  
შორისო ომმა?..

აი, ჩემო ბატონო, ჩემი ქურქის ამბავი. ამაზე კარგ მასალას იუმორისტი ვერც კი ინატრებს. ასწერეთ ვინმემ ჩემი ქურქი, თუ ღმერთი გწამდეთ. თუ კი გოგოლმა აკაკი აკაკიევიჩის „შინელი“ ას-  
წერა, თქვენ რა წითელი კოქები ხართ, ვასო აბა-  
შიძის ქურქი დაიწუნოთ ასაწერათ!..

სიტყვა სიტყვით ვათავსებთ ჩვენ ჟურნალში პატივცემული ვასო აბაშიძის ნაამბობს და ჩვენის მხრითაც მოვიწვევთ ქართველ იუმორისტებს, მიპ-  
ბაძონ გოგოლს მაგალითს და ღირსეულათ გა-  
მოიყენონ ეს მშვენიერი მასალა.

თავუნა.





# „ფოფოლია ბრძანა“.

(ნობათი სოხუმლებს).

„ფოფოლიას“ ქართლში მღვდლის სჯულიერ მეუღლეს ეძახიან. არ ვიცი ახლა, ამ ომის მიზეზით, დალოცვილ ქართლში „ფოფოლიათა“ ავტორიტეტის კურსი აწეულია თუ დაწეული, მაგრამ ის კი დაბეჯითებით ვიცი, რომ ამ რამდენიმე წლის წინათ „ფოფოლიები“ იქ განუსაზღვრელი ნდობით სარგებლობდნენ. „ფოფოლიას“ აზრი ამა თუ იმ საგანზე, პოლიტიკურსა თუ ბუნების მოვლენაზე, ქართლებს ქეშმარიტებათ და შეურყეველათ მიაჩნდათ. ხშირად გამიგონია:

— „ფოფოლიამ“ ბრძანა კულიანი ვარსკვლავის გამოჩენა წარღვნას მოასწავებსო.

— „ფოფოლიამ“ ბრძანა მავანსა და მავან წელიწადს შვიდი ხელმწიფე დაიჭიდებიან და ყველას წითელი ხელმწიფე მოერგვაო.

„ფოფოლია“ ბრძანა! მორჩა და გათავდა, რაც მან ბრძანა ის კიდევ ასრულდება, „ფოფოლიის“ აზრის წინააღმდეგის წარმოთქვა, ცოდვია. შეიძლება რომის პაპა შეცდეს, მაგრამ „ფოფოლია“ კი არასოდეს.

ასე იყო ქართლში მას უამსა შინა, მაგრამ ჩვენ არ გვეგონა, თუ ამ მეოცე საუკუნეში და იგიც დასავლეთ საქართველოს ერთ ფხიზელ ქალაქში, ქალაქის ხმოსნები ერთ პიროვნებას „გააფოფოლიებდნენ“ და ყველა მის სიტყვას ერწმუნებოდნენ. არ გვეგონა, მაგრამ ერთი ასეთი შეუცდომელი სერთუკიანი ფოფოლია აღმოჩნდა ქალაქ სოხუმში. ეს გახლავთ თავადი ნიკო ყარამანის ასული თავდგირიძე\*). ეს ის ნიკო გახლავთ, რომელიც ერთ დროს ოზურგეთს თაობდა და რომლის თაობის დროს ნატანებიდან ოზურგეთამდე და ოზურგეთიდან ბახმარო-სურებამდე რკინის გზა გაიყვანეს. ოზურგეთი ნიკოს თავობას არ შეეღეოდა მაგრამ მისი ბედი შეშურდა სოხუმს და სოხუმმა ოზურგეთს ნიკო მოსტაცა.

ბევრი რამეც გააკეთა ნიკომ სოხუმის საკეთილდღეოთ რომელთა ჩამოთვლა ჩვენს ძალას აღემატება. ცხადია ნიკო ვერას განდებოდა და რაც

\*) მოგახსენებენ თ. ნიკო შუამდგომს მეუღლის გვარის ტარების ნება მომეცითო, თუ ეს შეიწყნარეს (რაც ფაქტიურათ უკვე განხორციელებულია) მაშინ ის იქნება კნინა ნიკო ყარამანოვნაკომინოსი.

გაკეთდა იმის მესედსაც ვერ გააკეთებდა. ნიკომ სოხუმლებს „ფოფოლია“ არ იყენებდა. მართალია სოხუმში არჩეული ხმოსნებია, მაგრამ მხოლოდ იმისათვის, რომ ფოფოლია ნიკოს ნააზრევს და ნაბრძანებს ხმა შეუბრუნებლივ დაემორჩილონ, ყველაფერზე კვერი დაუკრან და დასტური დასცენ. ნიკოც ჭირის ოფლს იწმენდს ხმოსანთა მაგიერ ორატორობს, ხმოსანთა მაგიერ პროექტობს, ყველას მაგიერ დელეგატობს, ასე წარმოიდგინეთ ერთი დეპუტატის მეორეზე მიქირავების საქმესაც ნიკო კისრულობს.

— ნიკომა ბრძანა! და მისი ბრძანება სოხუმელ ხმოსანთა და მოქალაქეთათვის სავალდებულოა.

ამ დღეებში სოხუმელ ხმოსნებთან შემდეგი შინაარსის საუბარი მქონდა.

**მე.** გავიგე, რომ თქვენ (ესე იგი სოხუმის ქალაქის თენთმართველობას ანუ უკეთ ნიკოს თვითმართველობას) შუამდგომლობა აღგიძრავთ აფხაზეთში ფართე კოლონიზაცია მოაწყოთ უცხოელეებისა, ვინაიდან აღგილობრივი მკვიდრნი ზარმაცნი და უნიჭონი არიანო.

**ხმოსანი.** ნიკომა ბრძანა და ჩვენც დავეთანხმეთ!

**მე.** გავიგე რომ ამასთანავე შუამდგომლობა აღგიძრავთ სოხუმის ოლქი ქუთაისის გუბერნიას ჩამოეჭრას და ცალკე გუბერნია დაარსდესო. ასწონდასწონეთ თუ არა ეს კითხვა და წარმოიდგინეთ თუ არა იმისი შედეგი თქვენი თხოვნა რომ შეიწყნარონ?

**ხმოსანი.** ნიკომა ბრძანა და ალბათ კიდევ აწონდასწონა და კარგიც იქნება!

**მე.** გავიგე რომ გითხოვნიათ ზუგდიდი ქუთაისის შოაშორეთ, სოხუმის ოლქს შეუერთეთ და სოხუმში საოლქო სასამართლო გაგვიხსენითო. დაეკოთხეთ თუ არა ზუგდიდლებს და აფხაზებს, გაიგეთ თუ არა მათი აზრი სურთ თუ არა მოწყდენ ქუთაისს?

**ხმოსანი.** ნიკომა ბრძანა და ალბათ ასე ჯობს.

**მე.** გავიგე რომ გიმნაზიის პედაგოგურ საბჭოზე დამსწრე წევრებათ აგიჩვევიათ სხვათა შორის აღფეროვი, აფხაზებისა და საზოგადოთ ქართველების დიდი „მოყვარული“ კაცი.

**ხმოსანი.** ჩვენ არც ერთი კანდიდატი არ ავიჩვევია, ნიკომა ბრძანა და ჩვენც დავეთანხმეთ.

**მე.** გავიგე რომ სახალხო უნივერსიტეტისათვის დაპირებული 300 მან. არ მიგიციათ, რატომ?



**ხმოსანი.** ნიკომ ბრძანა და მიტომ,  
მე. ნამესტნიკთან ქალაქის რწმუნებულად ვინ  
აირჩია ნიკო, ტომარა და მარკოვიჩი?

**ხმოსანი.** თვით ნიკომ ბრძანა: მე ტომარა და  
მარკოვიჩი წავალთო.

**მე.** მაშ ნურას უკაცრავათ, თუ თქვენ, ხმო-  
სნებს, ნიკოს ტომარა გიწოდოთ.

**ხმოსანი.** თუ კი ნიკო ბრძანებს.

ტარანა.

## აღორძინების ხანა.

ბ-ნ პ. ა. გოთუას შემდეგი შინაარსის დეპეშა მო-  
უვიდა მიტროპოლიტის პიტირიმისაგან: გულ-  
წრფელი სიხარულით გაუწყებთ, რომ სინოდის  
დადგენილ ვებით აღდგენილ იქმნა ქუთაისის სემი-  
ნარია.

(გაზ. „საქართველო“ 163.)

პეტროგრაძელ ქართველთა დეპუტაცია სა-  
ვანგებო ბჭობად შემოკრბა.

ჯერ კიდევ საღებავის სუნი ასლიოდა იმ ქა-  
ლადის ფურცლებს, რომლებსაც ქუჩებში დააქ-  
როლებდენ მეგაზეთენი და რომელზედაც აღბეჭ-  
დილი იყო ქართველთათვის უსასიამოვნესი ცნო-  
ბა: ეგზარხოსის, ყოვლად სამღვდლო პიტირიმის,  
პეტროგრაძის მიტროპოლიტად დანიშვნის შესა-  
ხებ.

ქართველი კაცი ყოველთვის, ყველაფერ საქ-  
მეში შორს მჭვრეტელია და აი, ახლაც დეპუტა-  
ცია არა თუ უკვე შესდგა, ბჭობასაც შეუდგა.

— ბატონებო; დაიწყო თავმჯდომარემ,—  
ვგონებ აღარავისათვის საეჭვო არ არის, რომ  
ჩვენს ქვეყანას ამ ბოლო დროს ბედი უღიმის. ბე-  
დი უღიმის მას ყოველგვარ ეროვნულ საკითხში  
და ბრწყინვალე მომავალსაც უქადის. დღეს კი,  
როდესაც დეპეშამ ესდენ საყურადღებო ცნობა  
მოგვიტანა, თამამად შეგვიძლია ვსთქვათ, რომ  
ბედმა პირდაპირ თვალეში შემოსცინა. ღვთის  
მშობლის წილხვედრით ივერიის წმინდა ეკლესიას,

ახალი მფარველი და მოამაგე მოუვლი-  
ნა მას. ჩვენი ვალია, ბატონებო, გამოვიმუშაოთ  
შესაფერი მუხლები მოთხოვნილებათა და წარუდ-  
გინოთ ყოვლად სამღვდლო პიტირიმს, რომ მან  
მედგრად დაიცვას უწმინდეს სინოდში ჩვენი ეკ-  
ლესიის კანონიერი უფლებანი და მოთხოვნილე-  
ბანი. მე წინადადებას გაძლევთ ვისაც რით შეგიძ-

ლიათ დაგვეხმაროთ სასურველ მოთხოვნილებათა  
შედგენაში და საჭირო მუხლთა გამოიმუშავებაში.  
კამათი, როგორც მოსალოდნელი იყო ცხარე  
გამოდგა და ცხრა დღეს გაგრძელდა. ბევრმა ორა-  
ტორმა ისახელა თავი და გამოიჩინა ღრმა ცოდნა  
ივერიის ეკლესიის ისტორიისა. მეცხრე დღისმეცხ-  
რე ჟამს უკვე გამომუშავებული იყო ცხრა მუხლი  
მოთხოვნილებათა და უკანასკნელათ დამტკიცებულ  
იქმნა.

აი ეს მუხლები:

„ღვთის მშობლის წილ-ხვედრით ივერიის  
წმინდა ეკლესიის მფარველსა და მოამაგეს, ყოვე-  
ლად სამღვდლო პიტირიმს გულწრფელი სალამი  
და სიყვარული ამა ეკლესიის შეილთაგან. მასთან  
ერთად წარმოგივლენთ უწმინდეს სინოდში წარ-  
სადგენათ და დასაცავათ ცხრა მუხლის უძველეს  
ივერიის ეკლესიის მოთხოვნილებათა, რომლის  
მედგარ დაცვას უწმინდეს სინოდის კრებებზე ქართ-  
ველი ერი და ივერიის წმინდა ეკლესია ანდობს  
თქვენ ყოვლად უსამღვდლოესობას.

1) წინადადება მიეცეს უწმინდეს სინოდს,  
რათა ფამფალეთის წმინდის გიორგის ეკლესიის  
პრიჩეტნიკი ხარიტონ ქელიძე გადაყვანილ იქმნას  
ბახვის ღვთის მშობლის ეკლესიაზე, ხოლო ბახვის  
პრიჩეტნიკი სარდიონ ანთაძე ფამფალეთში.

2) ნება მიეცეს სოფელ ქოპორტს, ისარგებ-  
ლოს ძველი სასაფლაოთი, ვინაიდან ახალი სასაფ-  
ლაო სახაზინო და საღაო ადგილი აღმოჩნდა.

3) ნება დაერთოს საეკლესიო კრებულს, რა-  
თა საღაო საქმენი არჩივისა და სხვა შემოსავალ-  
თა განაწილების დროს მომხდარნი სამედიატორო  
სამართლით გადასწყვიტოს.

8) აღდგენილ იქმნას ქაჭიეთის ეკლესიის შტა-  
ტი და აშენდეს მუნ სამრეკლოც.

9) მიენიჭოს ქართველ სამღვდლოებს სრული  
უფლება მონაწილეობა მიიღოს სამრევლო სკოლის  
შენობის ასაგებ ადგილის არჩევის გადაწყვეტაში.

ყოვლად სამღვდლო პიტირიმი  
ყოველთვის უსაყვედურებდა ქართველთა:  
თქვენ თითონ არ ცდილობთ თქვენი ეკლესიის  
უფლებათა აღდგენას და სხვებმა რა ჰქნანო“. ახლა,  
კი სხვა ხანა იწყება.



თეთრიანი. თვალი არ გიჭრის და ხელი, მიკვირს როგორ მივიღეს?


შავიანი. მიმიღეს, როგორც ხედავ! მე ის შაკვირებს შენ როგორ გადარჩი, მეგობარო.

თეთრიანი. სრულიად უბრალოთ. აი აქ, ამ ალაფას, საცა მარჯვენა ხელი მიძევს კარგა დიღო  
 „სიმსივნე“ მქონდა. იმან მიშველა.

შავიანი, ახლა?

თეთრიანი, ახლა, რაკი ექიმებმა „ოპერაცია“ მიქნეს „სიმსივნე“ საგრძნობლად დაცხრა.





წვრილი. უთანასწოროთ არის ბატონო განაწილებული ქვეყნის დოვლათი, უთანასწოროთ.  
 მსხვილი. კეშმარიტათ გეთანხმები, ყველაფერი უხეიროთ არის განაწილებული.  
 წვრილი. კარგი, მაგრამ თქვენ რაღას ემდურით, როცა ქვეყნის სიმდიდრე თქვენს ხელშია?  
 მსხვილი. ჩემის აზრით უფრო სამართლიანი იქნებოდა ჰკუა რომ კაცს მუცელში ჰქონოდა და არა თავში.

# მ მ რ ა ლ ა

1

ჩვენ გვინდა სიტყვა, რომელსაც  
 ხმარობს ქართველი ტეტია  
 გამოძახილზე პასუხათ;  
 სხვა განმარტება მეტია

შემდეგ, თუ გახსოვთ თქმულება  
 ძველთა-ძველ მეცნიერისა,  
 საქვეყნო ფილოსოფოსის,  
 მკვლევარის მრავალ ფერისა—  
 ამ სიტყვას ხმარობს სხვა და სხვა  
 ხალხი, ქვეყანა, ნაცია  
 საძებარს როცა იპოვნის  
 (ვინც ვერ სცნა რაღა კაცია?)  
 სამ მარცვლოვანის ჩვენ ორი  
 გვჭირია ბოლო მარცვალი  
 ბირველს მოგვებყრათ ვითა გერს  
 გპყრობა დედი ნაცვალი.

სახელი რამე გამოდის  
 დიდის საერთო გვარისა,  
 ვაჭრობით გალაღებულის,  
 „მოძულე“ სისხლის ღვარისა,  
 ევროპას იხთის მეხარკეთ,  
 მის უღელს ელის აზია.  
 მხედრობით, ფლოტით, ტეხნიკით  
 ძლიერი და ლამაზია.  
 ამ ბოლოს რაღაც უხშირა  
 მან საომარი ნაფები  
 ახალი ტიპის წყალწყვისა  
 და უცხო სანახავები.  
 საქმით სხვას შერება, სიტყვით კი  
 აწყობს „საზავო“ გალობას;  
 თანაც განაგრძობს საეჭვო  
 საჯიბე ნეიტრალიობას.  
 ოქროს აქუჩებს, არა დვას  
 ჯერ ომის გუნებაზედა.  
 და თუ დაიწყო ვინც შეხვდეს  
 ხმელეთზე გინდა ზღვაზედა,

მას ვერ გაუძლოს ბრძოლაში  
ტენიკით, ვერცა ძალითა,  
მე როგორც „მხედარს“ ყველა ეს  
მინახავს ჩემი თვალითა.

# ქუთაისის „ტრიანტი“

(გურჯაო სტენა)

## ბუტუნა.

2

რადგან დღეს ჯარმა მრისხანემ  
იბრუნა ჩვენსკენ პირია,  
ამიტომ ჩვენაც პირველი  
აურაცხელი გვჭირია.

მან უნდა იხსნას მეორე  
და მისი კიდე-მზღვარია,  
(სადაც ბევრია ქალაქი  
დანგრეულ-გადამწვარია).


მეორეს შარადისათვის  
მეტი აქვს ასო ერთია,  
(რომელიც ქორონიკონში  
ორასზე ორჯერ მეტია).

როს მოვიშორებთ ამ ასოს  
და სხვებს კი დავსწერთ სრულადა  
სამეფოს სახელს მივიღებთ  
განწყობილს ჩვენთან მტრულადა.

იქ ძალლი პატრონს ველარ სცნობს  
მეფეს არ უსმენს ერია,  
ველარ არჩევენ ვინ არის  
მოყვარე ანუ მტერია.

დღეს ორსა მოპირდაპირს  
მაზედ უჭირავს თვალია  
თუ ვისი ლუკმა გახდება  
გვაჩვენებს მომავალია.

## კვახი.



„ვირს რომ ზურგი აქავდება, საბაჟოს კარებ-  
ზე მიაღებო“ ნათქვამია, სწორეთ ისე დამემართა.  
არა, რა ჯანდაბა მინდოდა ტრიანტიში, რა ჩემი  
საქმე იყო იქინე შესვლა, მარა რომ შეგიყდება  
ემშაკი ფხარში, იგია, აგაბუნდრუკებს და უფიქ-  
რებელს გაფიქრებიებს. სამი წელიწადია აგერ  
წყალტუბოს აბანოზე გადავწყვიტე წამოსლა,  
დოხტურებმა მითხრეს გრამატიზმის ქარი გაქვს  
ფეხებში და წყალ ტუბო მოგიხთებაო. ვზომე,  
ვზომე, ვფიქრე, ვფიქრე, მაგრამ სანამდე არ მო-  
მიკრუნჩხა ფეხები რაცხა ჯანაბა ქარია, ვერ გადა-  
ვწყვიტე წამოსვლა; გამიჭირდა ნამეტარი, ერთი  
საპანე ადესაი მქონდა შემონახული, გავეიდე ოთხ  
თუმნათ, დევიწერე პირჯვარი, მივედი წყალტუბო-  
ში, ვიბანავე ერთი კვირე, ნამეტარი მომიხთა, ფე-  
ხებს რომ ვერ ვმართავდი, ახლა მოვრჩი კაცი.  
ერთ კვირეს მერე დავბრუნდი... ვთქვი, მოდი  
ერთს ისე არ წავალ, დევიარ ქუთაისის გოროდს  
მეთქინ.

გევიარე, გამევიარე, მივედი ერთ დუქნის  
წინ. თელი ქუთეისის ხალხი შეყრილიყო და სე-  
ირნობდენ. მეც ვევიარ-ჩევიარე, მარმ ვაი იმისთანა  
ჩარებას, ველარ გავატანე ხალხს, კალამ გამჭყნი-  
ტეს. ერთსალაკა, გამოჭრილი იყო კედელში  
და იქიდან ბილეთებს ყიდდენ. მივედი და ვი-  
კითხე: პოვეზდის ბილეთს ხომ არ ყიდით მეთქინ!  
დამაყარეს სიცილი, პოვეზდის კი არა ტრიანტის  
ბილეთებს ვყიდითო, ამელამ წარმოდგენა არისო.  
წარმოდგენა არისო, რომ სთქვა, ქე მივხვთი, ჩვენ  
სოფელშიც ქე ვიყავი ნაყურები, ძალიან გამიხარ-  
და, გვეკარი ჯიბეზე ხელი და ვუთხარი, მეც მომ-  
ყიდე ერთი იაფიანი ბილეთი მეთქი; იაფიანი თუ  
გინდა სამ აბაზიანი გვაქვსო — კაი, აბა მომეცი  
მაგი მეთქინ... მომცა და მითხრა, აგერ, კარი რომ  
არის იქიდან აღი ზეით და ქანდარაზე დაჯექიო.

მომივიდა კუჭი და უყვირე, რას მეზუმრები  
თუ იცი მეთქი! ქანდარაზე დავჯდე, რავა ქათამი  
ხომ არ ვარ, არც ისე ხამი გეგონო, რომ ფიქრობ,  
ქანდარაზე ჩვენში ქათამები ჯდებიან მეთქი, მივა-  
ძახე და გამოვბრუნდი... გულში ვამბობ: შენ ვერ  
იცნობ, პავლიას, გარედ იყო, გიჩვენებდი სეირს

მეთქინ. მივედი კარების ახლოს, ვეიხედე, პწკალა-სავით კიბე მივა საცხა ზევით; ვიფიქრე, ბიჭო, სად მივა აგი ხალხი ამ სახლის საკატრავში, მართლა ქანდარაი არ იყოს აქნაი მეთქინ. ვუყურე: ვუყურე, მარა არ ეღირსა ხალხს ათავება, აწობიან ერთმანეთს, წიწავენ, გლეჯენ არიან ერთ საქმეში.

გამახსენდა, ზაქარიეს ეზოში ჩამურის ქვაი რომ მივიტანეთ, ისე ვაწობოდით ერთმანეთს.


რავარც იქნა მივედი ასავალ კარებთან, მომაწვენ იქიდან აქედან მარა, რაფერ, ცოტა მშიერი ვიყავი, თვარა შენი მტერისას, მე მარცხი მომივიდოდა, დამიმბილეს ძვლები. რავარც იქნა ევედი ზევით. ევედი თვარა, ვინცხა რუსი მომახტა პალტოზე და ქე მაძრობდა, ვსტაცე ხელი და უყვირე; მომშორდი აქიდან მეთქინ. Что такой баринъ.

пальто повѣсить нада“-ო. შენ ოჯახ დასაქცეო, ვამბობ გუნებაში: გინდა ამ ევროპიაში სირცხვილი მაქამო, ამ პალტოს რომ მაძრობ, ერთი იკითხე, ქვეშ რანაირი ახალუხი მაცვია, ღვდლის ოლაროვით არის ზოლებათ დახეული მეთქინ. გვექეცი იმას, წევედი, დავედი წინ საქლომზე, ამგვითქვი სული და გევიხედ-გამევიხედე... გაღვირიე კაცი, რა დენახა ჩემმა თვალებმა. მართლა ქანდარაზე რომ იქნება ჩაწკაპული ქათმები, ისე იყო თელოდ ჩამომჯდარი ქალი და კაცი სკამებზე... ევედი თვარა, საცხა დაკრეს დიდ ქვებს ურო. შეიქნა ტაშის კვრაი, მარა, რაფერ... ყვირიან ჩემს უკან, ყვირიან ჩემს გვერდით, ჩემს წინ... გევიხედე, გამოვიხედე... ჩემს გვერდით ბიჭები ჟდანა, ჟდანა მარა, რაფერ: ერთი რომ ჟდანა, ერთი წინ უდგანა, ერთი უკან სკამზე ფეხით არის შემდგარი, ასთე ერთ ადგილზე სამი კაცი ეტევა...იმზირებიან წინ კედრით, უშტიალებენ ვინცხას თვალებს. გევიხედე იქითკენ, რას ვხედავ ამას, თლათ გაფსებულია იგი კედარო წითელ კაბიანი ციცეებით. რა ამბავია აგი, ვიფიქრე, აღდგომა, ხომ არ არის ხვალე. წითლად რომ გამოწყობილან მეთქინ, მერმე ვკითხე იქინე ვინცხა გვერდში მიჯდა.—იგინი ღვდლის შვილებია—ეპრახიალისტკებიო; უი, ძამია, ღვდლის შვილები თუა წითელსაც კი შეიკერავენ და ყვითელსაც, ჩემმა ივლიტიამ იკითხოს თვარა მეთქი... იგენი ქე იქედენ წყნარათ, მაგრა, აგენი (თურმე ღემლაზისტები ყოფილა) უშტიალებენ თვალებს, ყრირიან: „პონჩიკ, ასმუშკა, ველო, და რა ვიცი, რა ენაზე არ ყვირიან, დეიწყო წარმოდგენა, მარა ვინ გაცაცა, იმის შეხედვა

და ყურება; ერთი წინ ამოგვიდგა, მეორე ზურგზე მომადგა. მესამე და მეოთხე მუხლებზე დამჯდნა, დამჯორგეს უბედურათ. შექნეს ყვირილი და ჩოჩქოლი, იმას ვილა დენახარდა რას შობოდენ სცენაზე, აგერ იყო ზევით წარმოდგენა... ვიყვირე: დევირჩვი თქვენ ოჯახ დაქცეულემო, ნუ დამჯორგეთ მეთქინ. პაწე ამიშვეს და მევითქვი სული. ვიკითხე, რავა, ჩვენში რომ იქნება წარმოდგენა ტრიანტი, რაცხა წესრიგი ქე არის მეთქინ და აქნაი რავა. რეიზა არ იცავთ წესრიგს მეთქინ.

— რავა არ ვიცავთო, მითხრა ერთმა, შეხედე ეგერ გოროდოვოები რომ არის, იგენი წესრიგია არიან იქ, უნდა ადვენონ, თვალ ყური, თუთუნს ვინც არ წევს ტრიანტში, გარეთ გააგდებსო, მაგრამ ამ წესრიგს ქე ასრულებენ, თუთუნს ყველაი ქე სწევსო.—კი, მარა, აი ბაღნები რომ აქედებიან თავზე ერთი მეორეს, პატრონი არ ყავს მეთქინ? —მაგენი ღემნაზიელებია, მასე იციანო. მაინც არაფერი მაქ, მარა, ღმერთმა დამიფაროს, მე ღემნაზიაში ბაღნაის მიბარება. ასე გათავდა ჩემი ტრიანტში ყოფნა, გამოვედი გარედ, მარა, გრამატიზმები ისთეველე შამომაფრინდა მუხლებში, ისე ვიყავი დაბუფებული, ორჯერ დავეცი.

ლუკაიეს ობოლი.



# მოსსენება

ველისციხე. ჩვენა გყავს ახალ მოსული ეშმაკი გეო ვაქარი... (სიფრთხილე გვმართებს ყოველთა, არ დაგვეღუპოს სახლ-კარი)!  
ეს ვაჭბატონი, წინა დროს, „დემოკრატიურთ“ შვილითა სოხუმის მცხოვრებთ ჰყვებავდა შაქარ-წყლიანი ღვინითა.  
და როცა ამა ვაჭრობით ჯიბე გაივსო ფულოთა კვლავ ველისციხეს მიაღდა თავის ადათით, რჯულითა,

მაგრამ აქ, გეო ეშმაკმა  
მიმართა უკვე სხვა ხერხსა:  
სინოცივისთვის პურის ფქვილს  
აურევს, თურმე, ნახერხსა.

მეხი.

ჯერ ეს ვიკმაროთ, ეშმაკო  
და შევაჩეროთ სტვირია! შენც  
შენც მადლიერი იქნები  
და მეც შემრჩება ცხვირია.

ტიკტიკა.

სოფ. კაცხი. აღსრულდა!.. ადგილობრივი  
სასწავლებლიდან, პირ ნათლად და პატიოსნათ მო-  
ვალეობის ასრულებისთვის განდევნით დაჯილდო-  
ებულ იქმნა ხელ-საქმის მასწავლებელი ქალი. შკო-  
ლის მმართველი უკმაყოფილო შეიქნა მით, რომ  
ხელსაქმის მასწავლებელმა ვერ დაუმზადა 42 სა-  
ტიმეტრიანი ზარბაზანი—„ჩემოდანი“ მტრების სა-  
წინააღმდეგოთ. საჭიროა საქმეში ეშმაკის ჩარევა  
და მტყუანის გასამართლება!

დუღული.

ახალ-სენაკი. გთხოვთ მათრახის კუდი ზომით  
იმდენი გამოაგზავნოთ, რამდენიც სკოლის დარაჯს  
გადააწყვიტა ძველი სენაკის სკოლის ზედამხედველ-  
მა მამა ევსევი ხოფურიამ. თუ იმდენი არა, ნახე  
ვარიც იკმარებს.

ტყაში მათა.

ს. გორდი. შენ ალბათ იცნობ, ეშმაკო  
დიმიტრის, მაგვარს მგლისასა,  
ამ სოფლად „ნაქებ“ მოღვაწეს  
„ატუტანტს“ მინგრესკისასა.

ხმა დადის:— შეისწავლაო  
მან „ჩინებული“ წერაო,  
ტყავი შეაძრო სუყველას  
ვისაც კი დაემტერაო!

ვურჩიოთ, სოფელს ნუ ჩათვლის  
მარტოდენ ცხვრების ფარადა,  
აკმაროს, თორემ ბალიც ხომ  
წვერში გამოდის მწარადა.

აწ შევიაროთ გიორგის,  
სამმართველოში ნელაო,  
თავისი ენა ტკბილობით  
მადლიერი ყავს ყველაო...

გულნატკენია სოფელი;  
აჰყვა დავითის რჩევასო  
„პოსობიების“ საქმეზე  
აბაზის გამოჩენასო!..

# ფ მ ს ტ ა

ველისციხე — ზღარბს. მაგ საგინზე დეპეშა  
ერთხელ იყო ჟურნალში.

ცხინვალელს. ეგ მესამეჯერ მოგვდის თქვენი  
ლექსი. რასაკვირველია არც ერთი არ დაბეჭდილა.  
დქვენ მეოთხეს აგზავნით. არც ის დაიბეჭდება.  
მარკის ფულით უმჯობესია ერთი მახათი შეიძი-  
ნოთ... ხარაზობას მაინც ისწავლით.

ფიჩხის ჯვარი — (გრამოფონს). მშვენივრად  
უკრავთ მაგრამ რომელი ჰანგია ვერ გავიგეთ. რე-  
დაქციამ უნდა იცოდეს ვისზე სწერთ და რატომ  
სწერთ.

ჯიხაიში — ისარს. თქვენ წინადადებას გაძლე-  
ვენ „დაასახელოთ ვისაც ზრალსა სდებთ“ თუ პა-  
სუხი გსურთ დაასახელოთ.

ბაქო — ლუტუნის. თქვენი ლექსი ძნელი გა-  
სასწორებელია და შრომის დახარჯვა შინაარსით  
მაინც უნდა ანაზღაურდეს ხოლმე. არც ამის იმე-  
ლია.

ყვრილელს (და ბ-ნ ზუგდიდელსაც). სურა-  
თებს, მეტადრე პროვინციიდან გამოგზავნილს ჩვე-  
ნი რედაქცია დიდის სიამოვნებითა და მადლობით  
მიიღებს. მაგრამ სურათი უნდა შეეხებოდეს რაიმე  
საზოგადო საკითხს და მხატვრობის მხრივაც თუ  
თითონ მოიკოჭლებს ჩვენ მასალათ მაინც გვევარ-  
გოს.

ამიტომ ყველა სურათს თან უნდა ახლდეს  
შინაარსის განმარტება და პიროვნებათა ვინაობა.  
მხოლოდ ამ გარემოებაში შეუძლია რედაქციას მო-  
წოდებული სურათის გამოყენება.

სახხერე. ლოფონოზს. რედაქციამ უნდა იცო-  
დეს რასა სწერთ, ან რაზე სწერთ.

ბათოში — შხამიანს.

„ხელში ავიღე საწერ-კალამი  
და განვიძრახე შარადის წერა

მკითხველსა მივეც მცირე სალამი,  
მაგრამ თუ დაგწერ მანაც არ მჯერა“.

დაწერით კი დაგიწერიათ, მაგრამ სამწუხაროთ  
არ ვარგა. ამასთანავე, გახსოვდეთ, რომ ხელში მარ-  
ტო კალამი უნდა აიღოთ, ხოლო საწერელი სტოლ-  
ზე დადგათ, ასე იციან საზოგადოთ.

**მადაროს ბიჭის.** თქვენი გამოცანა ჩინებული  
დაწერილია, მაგრამ მოგახსენებენ სიმართლეს არ  
შეესაბამებაო.

**ალი-მაშის.** გთხოვთ შემოიაროთ რედაქ-  
ციაში.

**სტეფანე ნიკოლაიშვილს.**

„გერმანია დაგვეტაკა  
ვინდა გვიზამს ამის ვარესს“...

ყველაზე უარესს კაცს საკუთარი თავი უზამს  
ხოლმე.

**ბათუმი ქასკუნჯს.** არ დაიბეჭდება.



### განხილვა

იანვრის 7-დან ქ. ფოთში გაიხსნება კურსები  
მასწავლებლებთათვის. **მიზანი:** შესწავლა იმ სა-  
შუალებების, რომელთა მეოხებით მასწავლებლებს  
შეუძლიათ სულ მოკლე ხანში დაწინაურდეს, თუ  
გინდ მოკლებულ იყოს ცოდნას, ნიჭსა და გამოც-  
დილებას.

**შენიშვნა:** ტყუილათ თავს ნუ შეიწუხებენ  
მხოლოდ ის მცირე ნაწილი მასწავლებლებისა, რო-  
მელნიც სულ სვინდისზე, პატიოსნებაზე და განვი-  
თარებაზე ბოლდვენ.

**პროგრამა:** ტკბილი სალამი უფროსთან შე-  
ხვედრის დროს. ღიმილი მასთან ლაპარაკის დროს.  
როგორ უნდა გეჭიროს თავი უფროსთან, როცა  
სათხოვარი რამ გაქვს. თავაზიანი თანხმობა ყველა-  
ფერზე, რაც უნდა გიბრძანოს ან საზოგადოთ თქვას  
უფროსმა. ქება უფროსის იმ პირებთან, რომლე-  
ბიც, დარწმუნებული ხარ, უეჭველათ გადასცემენ  
მას. როგორ უნდა დაიცვა სრული სიჩუმე, თუ  
სადმე უფროსის ძვირი გაიგონე, როგორ უნდა

მიუხვდე უფროსს, რაც სურს და რა მოეწონება  
მას, როცა ჯერ არაფერი არ უთქვამს. მილოცვა  
პირადათ ან წერილით აღდგომას, ახალ წელიწადს  
და სხვა შემთხვევების დროს.

პატივის ცემა იმ პირთა, ვინც შენს უფროს-  
თან დაახლოვებულია. პედაგოგიური ფოკუსები.  
პროტექცია და ბევრი სხვა.

კურსები ორ თვეს გაგრძელდება, მასთან უფა-  
სო იქნება, ვინაიდან ხელმძღვანელი ასეთი ღვაწ-  
ლისათვის ისედაც მიიღებს უჩინარ ჯილდოს.

კურსებისთვის რეკლამა საჭირო არაა. ვინაი-  
დან თვით ხელმძღვანელის ცხოვრება და წარმა-  
ტება ცოცხალი რეკლამაა. მიღება უეგზამენოთ.

**პომპოლიკი.**

გამოვიდა ბ. ეშმაკის მიერ შედგენილი და კანტო-  
რა „განათლების“ გამოცემა

## ბალკანეთის ქარტა

ფასი ერთი აბაზი. პროვინციის აგენტებს დაეთმობა  
15 კაპ.

ფული უნდა გამოიგზავნოს შემდეგი ადრსით: Ти-  
флиς, Ольгинская 6. С. Таварткиладзе.

დაიბეჭდა და ამ მოკლე ხანში გამოვა კ. თავართ-  
ქილაძის მიერ შედგენილი და კანტორა „განათ-  
ლების“ მიერ გამოცემული 1916 წლის.

## კედლის კალენდარი

კალენდარი დასურათხატებული იქნება მწერ-  
ლების და საზოგადო მოღვაწეობის სურათებით,  
მოზრდილი ფორმატის.

დაკვეთა ეხლავე შეიძლება შემდეგი ადრსით:  
Тифлиς, Почтовый ящик № 96. С. Р. Та-  
варткиладзе.



# აღსასრული აღაიანის ტანჯვისა!

## სუსუნათის წამლობა.

ნ წელიწადი გავიდა, რაც ჩემი გამოგონილი წამალი „რაპიდი“ გასასყიდად გამოვიდა, სამკურნალო ბაბქოს ნებართვით № 1295, სუსუნათის წამლობისთვის, როგორც მაგარი, ისე ხრონიკულისა. ამ ხნის განმავლობაში „რაპიდი“-ს პრეპარატით ათასობით ავადმყოფი სრულიად განიკურნა, რომელთაგანაც სამადლობელი წერილები მაქვს. წამლობის ასეთი ნაყოფი უფლებას მაძლევს, პრეპარატი „რაპიდი“-ი, როგორც ყველაზე არსებითი და სწრაფად მომქმედი საშუალება ამ სნეულებისა, ვურჩიო ყველას.

უკანასკნელ წლის დაკვირვებამ კვლავ დაამტკიცა, რომ „რაპიდი“-ის პრეპარატით წამლობის შემდეგ სუსუნატი რომ არ მორჩენილიყოს ამისთანა შემთხვევა არ არის, ამისათვის გადაჭრით ვაცხადებ, რომ რაც უნდა ხანგრძლივი იყოს ავადმყოფობა ჩემი გამოგონილ საშუალებით სამ კვირაში წამლობა საკმარისია სუსუნათის მოსარჩენათ, და „რაპიდი“-ის შემწეობით სრულიად მორჩენილად უნდა ჩაითვალოს.

მართალია, უკანასკნელ წლებში სუსუნათის (განორვი) წინააღმდეგ ბევრი საშუალება გამოჩნდა, რომელნიც ჩქარა და არსებით განკურნებას ჰპირდებოდნენ და ავადმყოფთ, შესაძლოა, გულიც გაუტყდა ამ წამლობის უნაყოფობით და სამართლიანად შეუძლიანთ ექვის თვალთ შეჰხედონ ჩემს წამალსაც. — ამ შემთხვევაში მამთს ყურადღებას იმ გარემოებაზე მივაქცევ, რომ ჩემი რწმენა „რაპიდი“-ის უებრობაში და ჩემი დაპირება ლიტონი სიტყვა რომ არ არის, ამის დასამტკიცებლათ ყველას, ვინც ჩემგან პრეპარატ „რაპიდი“-ის ორს ორმაგ ფლაკონს (წამლობის მთელი კურსი) დაიბარებს, წამალთან ერთად ეგზავნება ჩემგან ხელწერილი, რომ უკეთუ არ მოარჩინოს, ფულს უკანვე დაუბრუნებ.

**ნიმუში ჩემის ხელწერილისა:** „მე, ამისა ქვემოთ ხელისა მომწერელი, ამ ხელწერილს ვაძლევ ბატონს (ამას და ამას) იმაში, რომ მივციდე რა მას ჩემი „პირად“-ის ორი ფლაკონი, სუსუნათის წინააღმდეგ, თავდები ვარ, რომ ოცი დღის წამლობის შემდეგ ეს სნეულება სრულებით გაქრება. თუ აღნიშნულ ვადაზე რომელიმე ლაბორატორიაში შარდის გამოკვლევის შემდეგ აღმოჩნდება განუკურნებელი, მაშინ ვალდებული ვარ რვა მანეთი დაუბრუნო“ (ხელ. მოწერ.).

ზემოდ მოყვანილ ცნობას, რომ ბევრს განკურნებულ ავადმყოფებისაგან სამადლობელი წერილები, გადავწყვიტე ჩემს განცხადებებში მოვათავსო ხოლმე ახალი მადლობის წერილები. ამ წერილების დედანი (აუარებელი) ჩემთან ინახება და ყოველს მსურველს შეუძლიან მათი ნახვა. წერილების სინამდვილეში თავდები ვარ, თუ რომელიმე მათგანი დედანს არ ეთანხმება, ვალდებული ვარ, გადავიხადო 1000 მანეთი რომელიმე საზოგადოების სასარგეილოდ.

17. მ. ხ., ბ-ნო დელამურე! დიდად გმადლობთ თქვენი წამლის „რაპიდი“-ისათვის, რომელმაც ერთბაშათ იქონია კარგი გავლენა. ძნელია განცხადების დაჯერება, მაგრამ თქვენი განცხადება კომერციული მოსაზრებით არა ყოფილა, არამედ ავადმყოფს განკურნებას ურჩევს, ამაში თვითონ დავრწმუნდე, განმეორებით გიხდით მადლობას.

ნოვგოდოლი 14 მარტი, 1914 წ. 3. 5. 3. 5.

წამლობის სრულ კურსის, ორმაგ წყვილ ფლაკონის და კოლოფ პილულის ფასი ცხრა მანეთი. ვაგზავნით და ფასდაღებით ათი მანეთი. ფასდაღებით გაიგზავნება მხოლოდ მაშინ, თუ ბედ წარმოადგენს 3 მანეთს.

Съ требованіями и заказами обращаться исключительно кавказское отдѣленіе Московской Лабораторіи М. Деламури. Тифлисъ Эриванская площ. Пушзинская 3 отд. 3/м. верхній этажъ.




გაუფრთხილდით თავიდან ჯანმრთელთაგან — მიირთვიით

# საქარაღვინე

ამოთხოვეთ უფელგანს!

დაეწი

ხილველ-მადნეულის სამკურნალო



— ღვინო ისე გაძვირდა, რომ ღარიბმა კაცმა იქნებ ზიარებისათვისაც ვეღარ იშოვოს! ღვინის ასეთმა გაძვირებამ, ღვინოზე აქციზის შემოღებამ და ბოთლებზე ბანდეროლების დაკვრამ ბევრი დააფიქრა. ჯერ კიდევ შობა-ახალწლამდი რამდენიმე დღეა, მაგრამ ბევრი უკვე ტირის და მოსთქვამს, არ იცის კაი დღეებზე დრო რითი გაატაროს. მე კი არხეინადა ვარ. რა ჯობია ლადიძის წყალს! ვენაცვალე მის ასე გემოვნებით შემზავებელს, კაი დღეებს სიფხიზლეში გავატარებ, არც დავთრები და არც აყალმაყალს ავტებ. გირჩევთ საკაიდლეოთ თქვენც ლად. ძის წყალს შეექცეთ და ისიამოვნოთ.



ქალაქ თფილისში

გამოდის ეოველ-კვირეული იუმორისტული გამოცემა

# ეჭმაკის მათრახი

ჟურნალის სამხატვრო და სალიტერატურო მხარეს განაგებენ **ეჭმაკი და თაგუნა**,  
ხოლო გამოცემის საქმეს ა. გ. ბუკია.

ჟურნალის ფასი 12 თვით 5 მ. ♦ 6 თვით 3 მ. ♦ 3 თვით 1 მ. 50 კ. ♦ თვით 50 კ.

„ეჭმაკის მათრახში“ დაიბეჭდება მხოლოდ იუმორისტული შინაარსის წერილები, ლექსები, მოთხრობები, ზღაპრები, არაკები, შარადები, გამოცანები, ნაკვესები და სხვა.

◆ ჟურნალში დაიბეჭდება საერთაშორისო ომის ილიუსტრაციები.

რედაქცია სთხოვს ყველა თანამშრომლებს, მასალები გამოგზავნონ

ამ ადრესით:

**Тифлисъ** \*)

С. Р. Таварткиладзе.  
Олгинская 6,  
Почтов. ящ. № 96.  
(ეჭმაკის მათრახისათვის)



\*) ეს ადგილი კონვერტზე მარჯვნივ არის დანიშნული და გულმავიწყებს მოვადგნებთ, რომ

◆ უმარკო წერილებს რედაქცია არ დაიხსნის ◆